

# Berusaha hasilkan graduan *job creator*

Berita dan Foto : Aimi Sani

**BANDAR SERI BEGAWAN,** Sabtu, 7 April. - Dalam keadaan ekonomi yang semakin mencabar dan pasaran pekerjaan yang semakin kompetitif, Fakulti Ekonomi

## Pembaca Meter Air dijatuhi hukuman denda

Siaran Akhbar : Biro Mencegah Rasuah

**BANDAR SERI BEGAWAN,** Sabtu, 7 April. - Mahkamah Majistret Bandar Seri Begawan telah menjatuhkan hukuman denda sebanyak BND10,800 (Sepuluh Ribu Lapan Ratus) terhadap seorang Pembaca Meter Air di Jabatan Perkhidmatan Air, Awang Haji Ramlan bin Haji Metali bagi dua kesalahan, iaitu satu kesalahan di bawah Bab 165 Kanun Hukuman Jenayah (Penggagal 22) dan satu kesalahan lagi di bawah Bab 35 (1)(b) Akta Perbekalan Air.

Pada 4 April 2018, Awang Haji Ramlan telah mengaku bersalah ke atas satu pertuduhan di bawah Bab 165 Kanun Hukuman Jenayah (Penggagal 22). Siasatan yang dijalankan oleh Biro Mencegah Rasuah (BMR) mendapati bahawa Awang Haji Ramlan pada 1 Mac 2007 di alamat No. 16, Simpang 71-18-9 Kampung Bengkurong, Negara Brunei Darussalam telah menerima untuk dirinya sendiri wang berjumlah BND1,000 daripada penyewa rumah di alamat tersebut yang mempunyai tanggakan bil air sebanyak BND6,794.38 di mana tertuduh ketahui bahawa dia mempunyai urusan kerja sebagai Pembaca Meter Air yang bertanggungjawab untuk memeriksa dan mensahkan bacaan meter air untuk rumah tersebut.

Di dalam pertuduhan kedua, Awang Haji Ramlan telah mengaku bersalah ke atas pertuduhan di bawah Bab 35 (1)(b) Akta Perbekalan Air, di mana hasil penyiasatan BMR mendapati bahawa pada 1 Mac 2007, di alamat yang sama, tertuduh dengan sengaja menggantikannya meter air rumah tersebut dengan meter air yang lain.

Majistret Harnita Zelda Skinner telah menjatuhkan hukuman denda sebanyak BND10,000 bagi kesalahan di bawah Bab 165 Kanun Hukuman Jenayah (Penggagal 22) dan untuk kesalahan di bawah Bab 35 (1)(b) Akta Perbekalan Air (Penggagal 121) Awang Haji Ramlan telah dikenakan denda sebanyak BND800. Jika gagal, tertuduh akan dipenjarakan selama 11 bulan. Pendakwa Raya telah diwakili oleh Timbalan Pendakwa Raya, Pengiran Norsuzanawati binti Pengiran Haji Abas dan tertuduh diwakili oleh Peguambela, Ahmad Zakaria.

Kewangan Islam (FEKIm) Universiti Islam Sultan Sharif Ali (UNISSA) sentiasa proaktif melaksanakan pelbagai inisiatif untuk membantu bakal graduannya, agar menjadi nadi utama dan enjin penggerak yang mampu memacu ekonomi negara ke tahap yang mapan dan berdaya tahan sekali gus membantu usaha pihak kerajaan dalam merealisasikan Wawasan Brunei 2035.

Perkara tersebut dijelaskan oleh Dekan FEKIm UNISSA, Dr. Awang Abdul Nasir bin Haji Abdul Rani semasa memberikan ucapan alu-aluannya pada Majlis Perasmian Hari Keusahawanan UNISSA 2018 bertempat di pintu masuk utama Auditorium UNISSA, Jalan Gadong, di sini.

Menurut beliau, FEKIm UNISSA akan sentiasa berusaha membentuk dan memupuk sikap *entrepreneurial mindset* daripada kalangan mahasiswa dan mahasiswi yang mana melalui usaha seperti ini diharapkan akan dapat membantu mencapai hasrat kerajaan untuk menghasilkan graduan yang bukannya *job seeker* tetapi sebagai *job creator*.

"Antara inisiatif yang telah diunkayahkan oleh FEKIm ialah dengan menawarkan Kursus Entrepreneurship Project yang melibatkan kumpulan pelajar Tahun 4 FEKIm, untuk menghasilkan produk mereka sendiri dan menjalankan projek keusahawanan di lapangan selama 20 minggu, di samping turut sama terlibat dalam pelbagai ekspo jualan di peringkat kebangsaan.

Usaha yang dilakukan ini telah dapat melahirkan mahasiswa-mahasiswi yang kreatif dan inovatif dalam bidang perniagaan, berpancukan ajaran Islam yang luhur kerana pendedahan seperti ini merupakan satu langkah

proaktif FEKIm dalam memberi keyakinan dan keberanian kepada mahasiswa-mahasiswi menceburi diri dalam bidang perniagaan sejurus menamatkan pengajian mereka nanti," ujarnya.

Hadir selaku tetamu kehormat majlis dan seterusnya merasmikan Hari Keusahawanan UNISSA 2018 ialah Rektor UNISSA, Dr. Awang Haji Norarfan bin Haji Zainal.

Hari Keusahawanan UNISSA 2018 akan berlangsung selama dua hari bermula 7 hingga 8 April 2018 disertai oleh seramai 60 usahawan dengan menawarkan pelbagai bentuk aktiviti keusahawanan seperti jualan barangan, perkhidmatan, pameran dan permainan.

Selain daripada aktiviti jualan, FEKIm turut mengadakan beberapa aktiviti ilmiah berkaitan dengan bidang keusahawanan seperti kuliah umum kewangan Islam, sesi kongsi sama pengalaman daripada usahawan tempatan berjaya di arena perniagaan



REKTOR Universiti Islam Sultan Sharif Ali (UNISSA), Dr. Awang Haji Norarfan bin Haji Zainal semasa berucap pada Majlis Perasmian Hari Keusahawanan UNISSA 2018 yang diadakan di pintu masuk utama Auditorium UNISSA, Jalan Gadong.

serta sesi pembentangan kertas projek keusahawanan pelajar Tahun 4 FEKIm.



Rektor UNISSA, Dr. Awang Haji Norarfan ketika mengunjungi petak-petak jualan yang disertai oleh mahasiswa dan mahasiswi UNISSA pada Hari Keusahawanan UNISSA 2018.



# LENSA

Awda kreatif, berbakat dan berminat dalam fotografi?

BERIKUT ADALAH TAJUK-TAJUK RUANG LENSAS :

Tajuk-tajuk akan datang:

- 1) 'Peralatan Untuk Melukis' - Tarikh Tutup : 28 April 2018
- 2) 'Sukarelawan' - Tarikh Tutup : 12 Mei 2018
- 3) 'Sukan dan Riadah' - Tarikh tutup 28 Mei 2018

Kesemua tajuk-tajuk hendaklah dihantar sebelum jam 12.00 tengah hari pada tarikh-tarikh berkenaan.

### Temua dan Syarat :

1. Penyertaan dibuka kepada orang ramai terdiri daripada rakyat dan penduduk Negara Brunei Darussalam kecuali warga Jabatan Penerangan.
2. Gambar yang dihantar hendaklah dalam format JPEG dengan ukuran gambar 7" x 5" 300 dpi dan disertakan penerangan ringkas tidak melebihi 100 perkataan.
3. Setiap gambar perlu diberi keterangan mengenai jenis kamera yang digunakan (DSLR/compact/kamera telefon), konfigurasi kamera (ISO, Aperture dan shutter speed)
4. Nama penuh, nombor kad pengenalan, alamat lengkap dan nombor telefon hendaklah disertakan dan dihantar melalui :

**pelita.brunei@information.gov.bn**

5. Jabatan Penerangan adalah dibenarkan untuk menggunakan gambar yang terpilih dalam mana-mana terbitan jabatan.
6. Gambar terpilih akan memenangi wang saku hati BND50.00.

## Pemenang minggu ini



Tajuk : 'Pantai'.

Keterangan gambar : Negara Brunei Darussalam memiliki pantai yang sangat indah dan ombak yang bagus bagi sukan luncur air terutama peluncur air asing yang terdiri dari pelancong.

Kamera : Canon EOS 750D (DSLR), ISO:100, focal length: 29mm, Aperture f/5.6, shutter speed 1/200 sec.

Nama pemenang : Shariza Rodzimah binti Silau (01-050631)

No.9, Kampung Kiudang, Jalan Mungkom, Tutong, TE1543, Negara Brunei Darussalam.